

Kuki Christian Church

Houbung Lekhathot

Kuma Iahman
Houbung Rs. 200/-
Changval'a Rs. 200/-
Copy khat man
Rs. 20/-

Private Circulation Only

Kum 16na

February 2017

Lom 180na

Phengmai 1219

February 2017 twilut thah 101

Lhaseh a Pakai Jesu tahsan a twilut thah hi Houbung Lekhathot a so jing dinga pha kisa ahin, Mission field a vaipo hon alhingin ahinpe jing pouvin, telephone pouva kidong khom hoa konin mi 101 bang twilut thah ahiuve.



Pakai Jesu thupeh lenpen a kisun (Matt. 28:19) a hin "Hijeh chun cheuvin lang muntin a mi jouse seijuiyin gasemtauvin, amaho chu a-Pa, a-Cha chule Lhagao Theng minin baptize gabol'un," tia Pakai Jesun eisol'u ahi.

Pathen manchah jal'in mi Ihomcha ahivangin Kuki Christian Church min a seijui semna pang thei chan toh tongkhom Houbung mite hi Pakai Jesu seijui semna din apontho l'eh jengun, lhaseh "Gospel Mission Society" sum aphant chan akithot jing theiye. Chule Missionary le Evangelist 70 val akigoiyin, lhaseh a kithot doh sum hi Dk. 300,000.00 (sang jathum) val ahi jinge.

Houbung jouse dinga seijui sem ding hi natoh pipen ahin, abana chu muntina tolsung Houbung tundoh ding ahi. Seijui semdoh a tolsung Houbung tundoh hi agoma Houbung natoh pipen ahi. Seijui semdoh lou, tolsung Houbung tungdoh lou Houbung ho chu athisa tobang Houbung thase, atoh ding natoh helou ahiuve.

Bulte (February) Iha, 2017 kuma Pakai Jesu seijui 101 semdoh ho chung a kipana akiphongin ahi. Pakai Jesu seijui 101 semdohna thei dinga (1) taona pang ho, (2) sum le nei le gou pe ho, (3) Missionary le Evangelist ho goina dinga boltoh ho, (4) michang le KCC a tongkhom Houbung ho hihen, chule loitum Houbung ho le KWS a kai ho leh (5) gamthim mun - (a) Manipur phaicham, (b) Bhutan, (c) Nepal, (d) Nepali khopem ho chule (e) Tripura leh (f) Mishing ho lah a tahsa tah a seijui sem a twilutsah jouse chung a mipin kipa thu seiya Pathen thangvah lomtah ahi. Gamthim a natohna hi Pathen dei hiteiyintin, hijeh a chu lhaseh a Pakai Jesu seijui kismethah 100 val twilut jing ahiuve.



Nepal gama Christian Church Upa 7 ngapdet kibolbe

Nepal gama, "Nepal Christian Church" machal dan sopi Paoboi Doungel thulhut dungjuiyin agam a Mission lamkaiya ki-nganse Pr. Tilbahadur seiya konin tolsung mun li - (1) Pokhara, (2) Fical, (3) Bagduggra chule (4) Darjeeling mun hoa Houbung atundoh beuve. Tuchan hin Nepal Christian Church tolsung Houbung 14 alhingtauve.

Nepal'a Tolsung Houbung punbe jeh a Houbung Upa ngaichat ahi bangin Upa sagi (7) - (1) Shri Sunil Thapa, (2) Shri Solomon Tamang, (3) Shri Luka Khati, (4) Narbu Thsering, (5) Shri Prem Bahadur Rai, (6) Shri Lila Bista Chhetry chule (7) Shri Thakut Limbu ho hi Houbung Ihacha din ngapdetna abol tauve.



Nepal Government a "Nepal Christian Church" hi Registered kibol, japi het ahiphat hin, agama cheng Nepali ho, ahideh a Nepal Christian Church palai (member) ho akipah thei lheh-uve. Ajeh chu loitum houbung chom khat noiya um louva, jalen tah a Christian ahiu hi nom asalheh-uve. Loitum houbunga um Nepal Christian hon ahepantauvin, jalensa nam khat Nepali ho chu loitum houbung khat noiya aum'u agel daopan pantauve.

Damtheina Tripura Houbung machal

Ningkum a pat chun Joyful Khongsai, Missionary leh Houbung Upa Namkunga lamkaiyin, Tripura sunga dammo veise ho ataopeh-u le adamdoh jong aum jeh-un Tripura gam thim a Houbung machal jingin aseijui. Chujongle ningkum 38na KCC Assembly a Pr. Henvung, Tripura Mission Administrative Officer dinga akisuhdet jouvin, agam miho leh Missionary ho kah a kihet themna jong aumdoh theiye.



Pr. Henvungin Korea, M.Th. agasim sungin kihetpi Houbung mi phabep aneidoh-in, ama ho jeh a hi Tripura Mission mun keo hilouva,

Mission mundanga jong toh khomna thei umdoh mai thei ahi.

Tripura hi Kukite jeng anahin, agam neite, lengpa vaipohna gam, pu le paten ahetsau gam, tugeiya jong lengte record a um jing ahi. Hijeh a chu agam a sopiten jong eingai chauvin, Pathenin jong eisol lut'u hikhat din tahsan aum thimtai. Hijeh a chu Tripura gam a hi Christian Church jungkhosah tei din apha. Bengali khopem ten agama vai apoh-uva, agam neite asuhmang hel got'u ahi.

Agallang (Agartala) khopi, Kukite leng khopi mun la Bengaliten alodimtan, aban bana amachal be be phat'uva, agam neite khopi din Khumulung khopi thah khat asemдох-un, hiche mun hi loa Christian Centre phatah semдох dingin apha.

L. Semol Haosa Pu Haokhothong Lhungdim Khongsai beita

Pu Haokhothong Lhungdim Khongsai, Kukite lah a Christian jouse loitum houbunga kihen-ohsa hon loitum houbung dalhah a Pakai Jesu tahsan ahina banga kikhen louva Houbung Pathen Insung pumkhat'a umsoh dinga khohsah pen Haosa khat ahi.



Pu Haokhothong keo hilouva Kuki nam sunga phung Bulpi ho leh kho Haosa, Pakai Jesu hin tahsan masa hon loitum houbung ho dalha a pao lhongpi "Kuki pao" tho khomse sen patдох a Houbung khat'a um khoma Houbung pumkhat hi ding kihouna atamjoa pang jing Haosa ho lah khat ahi. Aman eidalha tajongu leh "Houbung khat" thudih a adinna eidalhah peh-un, Houbung pumkhat hi jui cheh-u hite.

Pu Haokhothong longdapsa chu lom tah-in L. Semol Christian Church Houin sunga lhahna kibol'a, avuiya pang chu Pr. Thangmang Baite, Churachandpur Gamkai Secretary ahi. Heng le kom, insung mi, khosung mi, kho heng jouse, angailu cheng kimkeiyin lhahдохna apang cheh-ui.

Theilei kho Haosa L.S. Khongsaiyin KCC Hospital lhacha ho apachat

"Christa min'a kangailut Christian Hospital a um doctor ho, staff ho chuleh adang dang ho jouse nabon'ugin kajanau salam kahinpeuve, tuchung dammo jeh a hiva hi, ni somni val jen kahung kijen nah a hin, nami khotonau le, nami jen dan'u hi, kavet le Pathen na hoitah-in natonguve ti kichen tah a kamu jeh-in lamdang jong kasan kakipana seijou lou kahinseiy. Adeh-in nurse ho amichang cheh a hinsei hih jong leng, nabonchauvin kakipana kahin phong'e, ajeh chu jingkah nilhah a pontho tah a na duty u-hijongle, ngailutna neitah a adammo ho najen'uva, aheloute nakithopi'uva, tom ngaitah a napan lah nau hi keibou hipong'e, akipah hi mijouse hilaiya hung jouse jong kipah-inte ti katahsanin hijong hi ding ahi.

Henge mihem hinan ingaito le lhalo chu lhomcha ahinai, amavang katepna nom pen chu ima jouse hi ka Pathen na joh tong kahiye ti hi sumil hih-ugin, chuleh hilaiya hung kijen miho hi, eijong mi jong kipha ji lou chu ahinai, mi



tam tah jong nachunguva hung lung hang jong um maithei ahi. Hijongleh ama ho chun nakinep pi jeh-u le, nahet them jeh-uva, ahinseyu ahibouve, lung thasetna le lung lhah dainan ana nei hih-uvn tia kahin tep nahiuve. Hiche mun a hi Christian Hospital khat ineiyuve, eithinghang mite din apha, ipaova idamlouna hoitah-in akikisei theiye, chuleh mi kikhoto na mun ahi tia mi jouse hin naki kineppiu ahijeh-in, nang hon jong pontho tah-in pan neilah peh jinguvn tia kahung tao ahi. Kasei khel aum jongleh Christa mina iki-ngaidam diuvn kahung taove. Kakipah-e."

Theilei kho Haosapun KCC Hospital lhacha ho apachatna hi lhacha ho phatna ahet jong asej hinantin, geldoh cheh dia pha chu hiche KCC boldoh Hospital umdoh hi mipin kipapi lom mong ahi.

1. Dammo kijen hon Kuki paova nanatna nadei bang tah a nakiseidoh theiyu,
2. Kivetna ding ngahsot louva Doctor um pet ahileh aphot phat'a nakivetsah theiyu,
3. Mi Hospital'a uma min nasuhnno natouno um louva, nadei dei nakisei theiyu,
4. Pathen koma taopeh ding Chaplain kikoi
5. Twisa nadei le nabol peh diu um
6. Adang dang na-insung banga na um theiyu avet leh kimoh pa jong hithei ahiti theina hi Pathen vangboh jal'a lah din apha.

Dr. Woong Ho Song, Korea min KCC ahung vet

Isopiu Pr. Henvung C. Khongsai, Tripura Mission Administrative Officer pun Korea a M.Th. agasim a kon hin, Korea Christian lamkai phabep toh gol le paiyin aumdoh-un, hiche ho lah a chun Dr. Woong Ho Song, vannoiya Houbung ho vil'a, pankhoma na toh khom ding

dei loi lah a palai khat hin KCC natos ho ahungven, Tripura avet jouvin, Pr. Henvung toh KCC munpi, Imphal tolpia jong ahung lhon'e.

Dr. Song hin (1) Seminary, (2) College, (3) Hospital chule (4) Nursing School avegol'in, insong sangtah tah kisa ho, chule KCC munpia lhacha ho natos dan aven ahi. Ama jong hi Pakai Jesu tahsan jouse hi sopi khat'a tahsan det mi khat ahi.



KCC Assembly Office Cabinet ho, Administrative Secretary, Finance Secretary, Principal teni, GMS Secretary, KCC Hospital Administrative Officer, Literature Secretary hon KCC Officea sotpi akihoupiuve. Ahung lhun jing 24 February 2017 jingkah tao kaikhomna jong thu aseiyu. Imphal'a konin Bagdogra hopa, Delhi jon din achetai.



If undelivered please return to:

Houbung Lekhathot
P.O. Box - 52, Imphal - 795001
Manipur
